

TE KURA KAUPAPA MĀORI O WAIRARAPA

# TE PŪTĀTARA



MŌHENI #16 WIKI 4, WĀHANGA 3 2022

# TĒNĀ KOUTOU E TE WHĀNAU

Nau mai ki tā tātou mōheni tuatahi mō tēnei wāhanga. Kia kaua e wareware kei te whārangi pukamatā ētahi anō pānui.

**pg.3** HE KŌRERO NĀ TE TUMUAKI

**pg.4** TE AHO MATUA

**pg.5** HE PĀNUI

**pg.6** NGĀ UARATANGA

**pg.7-11** NGĀ AKOMANGA:

KURA NOHINOHI 7

KURA TEINA 8

KURA WAENGA 9

WHAREKURA 10-11

**pg.12-13** HĀKINAKINA

**pg.14** KAPA HAKA

**pg.15** TUTAKI KAIAKO

# HE KŌRERO NĀ TE TUMUAKI

Tēnā tātou e te whānau, nei rā te mihi mahana, te mihi harikoa, te mihi matakaukui ki a tātou katoa. Te āhua nei kua tīmata a Tamanuiterā ki te neke atu ki a Hineraumati - he nui ngā pua kei te puta ki ngā rākau huarākau, he nui anō ngā tūī, ngā pīwakawaka e rerere haere ana ki tō tātou nei kura.

*Warm and happy greetings to everyone. It looks like Tamanuiterā may have begun his journey to his summer wife as there are blossoms on the trees and lots of birds flying about the kura.*

He nui te mahi puta noa i te kura i tēnei wā - kei te aro atu a kura nohinohi rātou ko kura teina ki te kaupapa e kīia nei ko ENGAGE - he kaupapa kēmu, he kaupapa tautoko i a tātou tamariki kia whakatau i a rātou anō. Kei te pukumahi a kura waenga ki te mahi kapa haka me te whakaharatau, te whakarite i a rātou anō mō te whakataetae kapa haka ā-rohe ka tū hei a te 30 o Hepetema - taihoa ake me te roanga o ngā kōrero mō te kaupapa nei. Ā, he nui te mahi a te wharekura ki te hui tahi ki ngā ratonga rerekē o te hapori nei, te whakaoti mahi mō te NCEA, te aro atu ki ngā whakamātautau NCEA, ki te whakaemi moni anō mō te haerenga o a tātou tau 12, tau 13 ki Rarotonga hei te mutunga o te tau nei.

*There is lots happening in the kura at the moment. Both kura nohinohi and kura teina are working on our ENGAGE kaupapa which is game based and designed to support our tamariki to become more resilient. Kura waenga are busy with kapa haka and preparing for the primary regional competition set to be held on 30 September - we will send out a separate pānui for this. Our wharekura are busy working with a number of outside services on shared kaupapa, as well as finishing work for their NCEA credits, sitting assessments for NCEA, and our year 12 & 13 students are also busy fundraising for their trip to Rarotonga at the end of this year.*

Kei te piki ake te tokomaha o a tātou tamariki, ā, kei te kīkī haere a kura nohinohi, heoi anō i ngā wiki kei te heke mai ka neke atu a kura nohinohi ki Tirohanga kia whakarahi ake i tā rātou wāhi ako - ka mutu ka hoki anō rātou ki tā rātou akomanga. *Our kura is growing and due to numbers in our kura nohinohi they will soon be moving to temporarily to Tirohanga so that we can make their space bigger. Once we have done this, they will move back to their class.*

Koira taku mō tēnei wā, inā he whakaaro āu, he hiahia rānei ki ētahi atu kōrero, whakapā mai.

*That's me for now, if you have any ideas or would like to know anything else please get in touch with me.*

Nāku iti nei  
Whaea Pip

# Te Aho Matua

## Te Ira Tangata 2.4

I runga i tenei whakaaro, kia tere pakari ai te reo o ngä tamariki, me whakahaere ngä mahi katoa o te kura i roto i te reo Mäori. Tae atu ki te hunga kuhu mai ki roto i te kura, me korero Mäori katoa, i ngä wa katoa.

*When a child grows, it is up to that person to decide which pathway to walk along, indeed, that which is right for him or her. Great though it may be, small though it may be, the choice is the child's. However the child will not slip into wrong doing if the growth is holistic.*



"Ruia te taitea, Kohia te rangiura"

# HE PĀNUI

## Jacob Verbeek

22/8 - 29/8 at 5:30 - 6:30pm.

Building Childrens Resilience

Whānau are encouraged to come to participate in these wānanga. All whānau that attend go into a draw to win \$100 Pak n Save voucher.

## WHAREKURA HĀNGI

*Friday 19th August*

Pick up: Kura @ 5:30pm.

### REMINDER

IF YOUR CHILD/REN IS  
ABSENT PLEASE RING OR  
MESSAGE THE TARI: 06  
3772210 OR  
0273872242



MASTERTON  
SHUTTLES  
027 961 3973  
06 377 1923

## Pourakaha



**Te Rōpū Takirua**

**Monday 29th August 9.30am**

**ARATOI**

Kura Waenga  
2 September

**TE PAPA TONGAREWA**

**9 SEPTEMBER**

**WELLINGTON**

Science Road Show

6 September



# RUIA TE TAITEA, KOHIA TE RANGIURA

Te whakatinana ake i ngā uara o tō  
tātou nei Kura!

*pono*

KOTAHITANGA

WHANAUNGATANGA

RANGATIRATANGA

Te Ira Tangata



Te Reo



Ngā Iwi



Te Ao



Ngā Āhuatanga Ako



# KURA NOHINOHI

Kōrihi te manu tākiri mai te ata, ka ao ka ao ka awatea, Tīhei mauri ora!

Tēnā koutou i o tātou tini mate, koutou kua whetūrangitia ki te korowai o Ranginui, koutou kua wehe atu ki te pō, ki tua o Te Ara, ki te okiokinga o ō tātou tupuna, haere haere haere atu rā. Ki te hunga ora nau mai haere mai ki te wāhanga 3, o te tau 2022. Tēnei te mihi mātakuikui ki a koutou te whānau o te kura Nohinohi.

**Kaupapa mō te Pakirēhua.  
Ko koe ki tēnā kīwai, ko ahau ki tēnei kīwai o te kete.**

Heoi anō, i tēnei o ngā wāhanga, i te wāhanga tuatoru nei, kei te ako ngā tamariki ki ngā kēmu, mai i te kaupapa Engage. Ko ēnei akoranga, ka ako ngā tamariki i ngā pukenga ki ūna aurongo, te mahitahi me te whakaaro hia ki a ia anō.

Kei te tino aro tātou ki ngā uara e whā i tēnei wāhanga. Ko te Pono, te Whanaungatanga, te Kotahitanga me te Rangatiratanga. He pai ki a mōhio, kia ū ēnei uara ki roto i ngā mahi katoa me ngā wāhi katoa.

Ko te reo te mauri o te mana Māori.

Whaea Tahi, Whaea Te Arani, Whaea Hubba



# KURA TEINA

## TE AHO MATUA - Ngā Iwi 3.4

Kia mōhio ngā tamariki ki ngā rohe, ki ngā waka, ki ngā kōrero o neherā, ki ngā pūrakau, ki ngā pakiwaitara, ki ngā tikanga, ki ngā waiata, ki ngā āhuatanga katoa o tōna ake iwi. Kia mōhio anō ki ngā āhuatanga katoa e pā ana ki ērā atu o ngā iwi tae noa ki ētahi o ngā iwi o tāwāhi.

**KAUPAPA AKO** - Ko koe ki tēnā kīwai, ko ahau ki tēnei kīwai o te kete.

I tēnei wāhanga ako e ako ana mātou o Kura Teina ki o mātou ake iwi. Ko wai mātou? Nō hea mātou? Otira o mātou tuakiritanga. Mō ngā wiki e toru kua ako ngā tamariki ki o rātou maunga. awa, iwi, hapu, marae me ūnā ake tikanga hoki.

Kei te rangahau hoki mātou ki ngā āhuatanga rerekētanga me ngā āhuatanga ōrite o ngā iwi o tāwāhi. Ngā iwi pēnei i a Hawai'i, Fiji, Hāmoa, Rarotonga me Tonga. Kia ako i ngā tikanga, waiata, kai, mihimihī, me te aha atu.

Rawe rawa atu ngā mahi toi, ngā mahi hangahanga a ngā tamariki nei. Koinei noa iho te tīmatanga o tō tātou kaupapa ako.

Mihinui ki te hunga whānau i tae ā-tinana mai ki tō mātou Hui Akomanga o Kura Teina ❤



# KURA WAENGA



Tēnā koutou e te whānau

Nei rā te mihi matakukui ki a koutou katoa i  
raro i ngā āhuatanga o te wā. Auē, te  
makariri hoki o te hōtoke! Ngā mate rātou  
kua takahi nei i te ara kua whāia e nunumi mā  
haere hoki atu koutou. Tātou te hunga ora  
tēnā koutou katoa.

I tēnei wāhanga ako kei te tirohia e Kura Waenga a rātou hononga ki te tāngata o Poronehia ki Te Moana-nui-ā-Kiwa. Kua tipakohia e ia rōpū tētahi moutere hei rangahau mā rātou. He rawe ki a rātou te kimirī ngā kōrero e pā ana ki aua moutere. Kua hanga whakaaturanga, ā, akuanei ka tirohia te tunu kai. Hei te mārama o Mahuru kei te haere mātou ki Te Papa Tongarewa ki te titiro ki ngā taonga o Poronehia. Miharo ngā mahi a tātou tamariki.



# WHAREKURA



# Mā te tuakana e ārahi i te teīna




# **Kei te pai koe?**



Inā te ataahua o ngā hua o te wānanga. Tērā ia te kaupapa e whakatairanga ana ki tēnā pito, ki tēnā pito, o te takiwā nei, ki ētahi anō rohe hoki. Ko te kaupapa e kōrero nei ko te Whataaboutyou. He kaupapa e whakatairanga ana i ngā whanonga tika, heoi ngā āhuatanga e haumaru ai te tangata i ngā tini āhuatanga pēnei ki te inu waipiro, te pouri, te ngaukino anō hoki. Kia kaha te ringa manaaki te whātoro, kia kaha hoki te reo karanga ki tētahi e whakarongo ana.

# TIAKINA OIKOUTOU HOA



Kua karangahia ngā pūkenga ō ā tātou tauira kia Māori ai te kaupapa nei, kia whai pānga ki ō tātou hapori, ki ō tātou whānau, kia haumaru ai te noho. I wānanga tahi ngā tauira wharekura kia whai whakaaro kia pēhea te hopu i ngā karu ō te whānau o te hapori. Nā wai rā, nā wai rā ka whakakotahi i ngā whakaaro, ka whakawhāiti te anga, ā ko ngā mahi toi nei ētahi o ngā hua. Ehara i te mea kua oti engari mā te mahi tahi ki te ohu whakahaere me te mātanga ringa toi ka waihanga i ētahi pānui kia horapa ki te rohe ki te ipurangi, kia tuitui hoki i ētahi momo kaka.

# PŪRONGO HĀKINAKINA



*Kura Tuatahi Hākinakina  
wāhanga 3, 2022*

# **POITŪKOHU**

WHAREKURA/CHANEL WHAKARANU

## **NGĀ TOA**



# Jutaki

TE KAIAKO...



## PIRIHIRA POTANGAROA-WAIWIRI

He uri tēnei nō Ngāi Tāneroa ki Hurunui-o-rangi, nō Ngāti Te Rangikoiānake ki Kahuranaki, nō Ngāti Hāmua ki Te Ore Ore, nō Te Kani ā Takirau ki Hinepari ki Rangitukia.

I Kuraina au ki tēnei kura i te tau 1993 tae noa ki te tau 2001. Kua hoki mai tēnei raukura, kia hāpai i ngā mahi o kui mā koro mā. I whiwhi au i taku tohu kaiwhakaako i te tau 2018. Waimarie au i whiwhi mahi ki tētahi whare kōhungahunga ko Puāwai Childcare tērā, whakakī ai i taku kete mātauranga ki reira aro atu ki ngā āhuatanga o te whanonga.

Tokorua aku tama, ko Jordan te matāmua ko Ryland te pōtiki. Ko te reo māori o rāua reo tuatahi. Tokorima ngā reanga arero reo māori ki tō mātou whānau. Ngā hua nui i puta i te tuwheratanga o ngā kohanga reo me ngā kura kaupapa māori.

Ngā manaakitanga ki a koutou katoa!

